

DE
APHTHIS NEONATORUM.

DISSESSATIO INAUGURALIS

QUAM
CONSENSU GRATIOSI MEDICORUM ORDINIS

IN
CAESAREA UNIVERSITATE LITERARUM
DORPATENSI

A D G R A D U M

DOCTORIS MEDICINAE

LEGITIME OBTINENDUM

PUBLICE DEFENDET

HERMANN. ADOLPHUS HORWITZ,
LIBAVIENSIS.

DORPATI LIVONORUM
TYPIS J. C. SCHÜNNMANNI, TYPOGRAPHI ACADEMICI.

M D C C C X X I X .

18 39

Tartu Riikliku Ülikooli
Raamatukogu

543 56

I m p r i m a t u r,
sub conditione, ut simulac typis excusa fuerit haec
dissertatio, quinque ejus exemplaria collegis exploran-
dis libris constituto tradantur.

Dorpati Livonorum die ix. mens. Sept. MDCCXXXIX.

Dr. Ioann. Frid. Erdmann,
Ord. Med. h. t. Decanus.

8

428566

P r o o e m i u m.

Multo facilius interdum fortasse est, de re pa-
rumper tractata scribere, quam de alia age-
re, de qua multa literarum monumenta, obser-
vationesque repugnantes vigent; nam illic auctori
magnus patet campus rationis propriae, hic vero
saepius ei occurunt opiniones, ab aliis diu jam
enunciatae, quae, quum litterarum hujus mate-
riac magis expers esset, suae sibi esse videbantur.
Quid porro tironi difficilius esse possit quam clari-
rorum virorum opiniones sententiasque contrarias
conjugere? His autem materia tractanda sic abun-
dat ut G. A. Jahn (38 St. VI pag 33.) jure exclamare
videatur. „Jetzt frage ich, welcher Gegenstand
der innern Heilkunde hat so viel, bis jetzt Unge-
reimteres, so unerklärbare Beobachtungen, so
viele widersprechende Ansichten zu Tage geför-
dert, als dieser?“ Has aliasque ejusmodi cogitatio-
nes, tractatione dissertatiunculae mihi oblatas,
ulterius persequi nolo, credens, eas, qui um-
quam materiem similem tractaverint, esse notas

— atque tantummodo attuli, ut lector de libello meo benigno animo judicet. Si porro in hac dissertatione ncula non tot auctorum loci laudati sunt, quot fortasse multi poscant, ad excusationem meam confiteri debeo; me variis rationibus coactum fuisse, ut quam celerime illam conficerem; partim igitur propter temporis inopiam scriptis multis uti non potui, partim alia (inter quae praecipue libellos, ab academia Parisiensi praemio coronatos, quorum plures bibliotheca universitatis nostrae non possidet, nominare debeo) acquirere non valui, plures autem litteras, ad elaborandam dissertationem lectas, nil novi continebentes, non attuli, ne solum commemorationis causa eas commemorarem. Ex iisdem fere causis morbi historiam praetermisi, nam tempore operibusque ad quaestiones ex fontibus subtiles, carens, et ex aliis dissertationibus eam describere nolens, lectoribus laudo: (2)

Porro confiteri debeo, me praecipue litteris hujus materiae solum recentioribus usum esse, partim quia veteres multis commemorationibus mihi jam exhaustae videbantur, partim quia hoc malum, quamquam medicis veteribus, et jam Hippocrati (2. p. 3, 58 p. 27, 45 p. 187) cognitum, tamen seculo decimo octavo denum, praecipue in paidocemiliis majoribus tam metuendum, horribileque siebat (30 p. 515).

Neonatorum aphthae (2 § 1) serpentia oris ulceræ, lactumina lactucimina, ulceræ Syriaca, Aegyptiaca, Latin. — Alcola, Calaba Arab. — Les

aphthes; †) muguet, millet, blanchet, mouchet, maladie aphtheuse Francogall. — The Thrush Engl. — Moindgezweer, de Sprouw Batav. — Kurfess Suev. — Schwämchen, Voss, Kurvos, Fasch, Soor, Mundöhr, Mundzehrung, Melihued, die Schule, Kihu, Kahn, das weisse Mäulchen German, — ille est morbus contagiosus membranae primarum viarum mucosæ, praecipue cavi oris, nariumque (13 p. 341, 5 p. 148) qui saepissime cum febre conjunctus, ab inflammatione inchoat, cujus exitu in exsudationem epidermis in vesiculas, magnitudine capituli acus, usque ad eam lents elevatur, quae initio plerumque albescunt, aut colore margaritarum habent, solitariae in fundo rubro stant, margine rubro cinctæ, serius autem variis in cassibus paene omnes colores accipiunt (flavum, rubrum, viridem, caeruleum, violaceum, cinereum, fuscum, nigrum), interdum sic confluent, ut cayum oris totum massa quasi caseosa pellis forma obducant, tandemque exsiccatione in crustas diversæ magnitudinis colorisque, aut statim, aut ulcusculis antea formatis, abeunt, inter quas inflamatio permanet et nunc, et serius per totum morbi decursum functiones partium affectarum turbat.

Morbis decursus.

1. Stadium prodromorum s. invasionis. In-

†) Ab auctoribus nonnullis discernuntur aphthæ et morbus, quem Francogallici Muguet appellant, et alii alia definitione explicant et hac de causa tractationem non separavi. Evidem Doublii sententiae assentior, discrimen paullatim transiens accipientis;

fantes aut soporosi fiunt et tum plerumque palpebras semiclusas habent, et convulsionibus circa os laborant (29 p. 231), aut quamquam rarius, inquieti, morosi, anxii, et insomnes; urinam plerumque tanta in copia emittunt, ut omnia circa se madida reddant; alvi dejectio aut tarda, excrementis tenacibus, lutosis, aut frequens et copiosa, excrementis fere aquosis, aut mucosis, cinnereis, viridescentibus quasi concisis, odorem acidum exhalantibus, et saepius cum tenesmo conjuncta. Aegrotus tabescit et homini veteri rugosoque similis fit (36 p. 31) interdum lac vix captum vomitu cum salivatione accidente ejicitur. Plerumque facies intumescent, fervida, frons calida, partes oris internae siccae, fervidae, colore violaceo-rubro, et praecipue in finem stadii, cutis anserinae asperitate (1 p. 13). Papillae gus-
tus turgescent (30 p. 26) simulque siuis nimia animadvertisit. Papilla mamillaris labiis vix arrepta, sub ejulata et saepe convulsionibus (22 p. 85) relinquitur, omninoque functiones cavi oris turbatae sunt. Si respirationis viae simul affectae sunt, interdum etiam externe regionibus convenientibus calor ruborque animadvertisit vox tum rauca, sibilans, aer expiratus calidus, respiratio omnino difficultis, brevis, tussi frequenti interrupta, quae secundum Rosensteinum (4 p. 59), quasi ex canali metallico sonat, interdumque suffocationis periculum accedit. Si oesophagus simul et tractus intestinalis reliquus correptus est, lingua apparet ruila (4 p. 59) omninoque harum partium inflammationis symptomata animadvertisuntur: Tumor colli internus et externus, deglutitio difficultis, abdomen calidum, tu-

midum, extensum, porro ad haec symptomata nausea, vomitus, singultus, cardialgia, colica, diarrhoea sanguinea etc. adveniunt. Rarissime glans penis exanthemate simili corripitur, tum vero dolor urens, calor, rubor, tumor, saepiusque urinaria retentio antecedunt.

Febris aut jam initio adest, aut serius in hujus stadii decursu accedit, aut secundum Billardum per totum morbi decursum deest. Charakterem autem praebet varium, a synochali, praecipue initio (21 p. 113) variis in casibus usque ad eum typhi. Plerumque tamen et praecipue in decursu seriori ad lentam nervosam (14 p. 440) cum complicationibus gastricis, aut ad putridam inclinat. Pulsus igitur diversissimus erit, plerumque autem parvus et celer (30 p. 515) interdumque tardus et extensus. Cutis plerumque calida et sicca (43 p. 185) Stadii tempus inaequale: saepe viginti quatuor horis (37 p. 89) saepe autem tribus vel quatuor diebus (18 p. 274) praeteritis aphthae erumpunt.

2. Stadium eruptionis. In cavo oris aut tuberculata parva et rubra, seu noduli, et tum praecipue in vicinia linguae frenuli animadvertisuntur, quae ex apice inde in vesiculos transeunt (30 p. 515) aut vesiculae nodulis non praecedentibus, et praecipue in margine labii superioris interno plerumque in medio aut in angulis oris erumpunt. Hae vero parvae, subrotundae granis salis similes sunt; aut maculae non elatae aut rhagades (32 p. 148) quae margine rubro cinctae sunt, apparent, saepe etiam per eas rubor fundi translucet et illae valde sensibiles contra nutrimenta et omnem tactum se ostendunt. Fluidum mox serosum mox

purulentum continent, et paulatim ad pharyngem etc. ad laringem etc. descendant. Si maiores sunt, media pars impressa est. Copia semper crescens paulatim confluit, formam irregularem accipiens, et pellis instar tenuis, albae, (lactis gelati similis), caseosae, furcatae praebens, diversae magnitudinis et ab aliis margine rubro separatae, aut continentis et totum oris cavum, pharyngem, ventriculum, canalem intestinalem usque ad anum, saepe etiam vias respirationis obducens (43 et 44) Color autem indicatus non semper idem: Raro jam initio diversus a memorato (23 p. 536) aut variis in casibus serius colores, antea nominatos accipit, sic ut color fere nullus exclusus sit. Cum febre secundum Lissmannum nexum habent singularem (23 p. 134), sic ut aphthae inflammatoriae, album; biliosae, flavescentem, viridescentemque; putridae, cinereum, fuscum, nigrum; nervosae (siccae) discoloratum; mucosae margaritaceum praebant colorem etc. Symptoma stadii primi in universum crescunt. Tensio, tumor et siccitas oris augetur, salivae organorum incitatione continua plerumque salivatio, interdum cum sanguine mixta provocatur (19 p. 286) Functiones cavi oris, organorum digestionis respirationisque turbatae sunt, et glandulae interdum sic intumescunt, ut nihil deglutiri possit. Regio circa anum interdum rubra et saucia fit et fluidam tenax exsudat (20 p. 97) saepiusque etiam diarrhoea sanguinea cum spasmis gravioribus sequitur. Interdum etiam in penis glande exanthema, aphthis simile cum symptomatis jam memoratis, enascitur. Decursus porro eo variat, si aphthae quod secundum Ketclacrum, Arneman-

num et alios, quamquam raro fit, prius in intestinalium tractu, quam in oris cavo erumpunt, et pellis instar in hoc ascendunt. Febris omnino aequali modo se habet, quam stadio primo. Stadii tempus valde variat, et praecipue ab erupti- nibus novis, decursum valde retardantibus pendet, secundum Lentimum (14 p. 441) plerumque tamen novem perdurat dies, secundum alios vix nonnullos.

3. Stadium desquamationis: Inflammatio et febris paulatim decrescunt, ulcuscula et vesiculae ab apice inde, si confluxerunt, ex medio, et si magnam planitatem obducunt, multis ex punctis simul in crustas albescentes, flavescentes, grisescentes vel obscuras abeunt, quae paulatim, doloribus perceptis, primo a labiis et linguae apice, tardissime autem a linguae radice (37 p. 91, 3 p. 27) desquamantur. Hoc casibus rarissimis jam die primo post eruptionem, plerumque autem diebus nonnullis, interdum etiam decem praeteritis, in canali intestinali aliquoties prius, quam in cavo oris (34 p. 589) animadvertisit. In oris cavo etiam rhagades progignuntur, quae in dies longiores sunt usque desquamant (20 p. 97) Incitamento crustarum in tractu intestinali aucto, nunc plerumque vomitus et diarrhoea provocantur, quibus crustae variis coloris ac formae ejiciuntur. Aut nunc, aut jam stadio secundo, crises per cutin, urinam etc. consequi solent: Saepius autem exanthema variae et inconstantis formae, praecipue in facie, humeris (30 p. 516) et dorso (16 p. 385) enascitur, quo suppresso, morbus mox renova- tur. Partes crustis nudatae, plerumque rubrare sunt, tumescunt, majorem ostendunt sensibilita-

rem, quam stadiis prioribus (34 p. 586) interdumque sanguinis purus ex iis exsudatur (6 p. 206). Si fluido levi albescenti obductae sunt, aut rubrae et sensibles, tempore vario mox hebdomadibus pluribus, diebus, mox horis nonnullis praeteritis, novae sequi solent eruptiones; — sin vero consuetum praebent colorem et sensitatem, humidaeque fiunt, novae exsistere non solent (38 p. 34; 3 p. 27). Spatium temporis hujus stadii varium, ante jam exposui.

Decursus hic descriptus interdum aberrationes offert multas, quarum plures jam notatae sunt. Saepe descriptum nullo modo acquirit morbus vigorem sed solum oris cavum afficit, et tum paucis diebus, symptomatis solum topicis decurrit. Saepe e contrario nomine aphtharum malignarum, symptomata graviora ostendit: Abeunt enim in abscessus magnos aut ulcera oris, oesophagi etc. exedentia, odorem foetidum exhalantia (34 p. 595) aut in gaugraenam, omnes partes usque ad ossa, etiamque illa destrucentem (19 p. 286). Advenient praeterea dysphagia, dyspnoea, vomitus, singultus, meteorismus, colliquations etc. aegrotusque aut nutritione turbata, febre hectica (28 p. 544) suffocatione, aut convulsionibus gravibus evita excedit.

Cadaverum sectiones

Secundum decursum varium, etiam varia ostendunt, plerumque autem haec: Pars interna oris, primarum viarum, ab oesophago usque ad anum (43 p. 180) porro viarum respirationis et narum (19 p. 284; 3 p. 13 et 22) obducta aphthis vario

colore, collapsis, deplanatis, aut mox partim, mox plane (43, 44) materia tenaci caseosa, alboflavescente, aut discolorata, obscura etc. membranam aequante crassitudinis duarum vel trium linearum, odorem putrido-acidum animalem emitte (30 p. 517) sub qua membrana mucosa incrassata tamque graviter inflammata invenitur, ut rubor cum violaceo colore mixtus sit. Simil et ramifications vasorum ultimae valde evolutae interdumque sanguinis ejectiones (42 Tab. II.) aut ulcera et abscessus magni inveniuntur. Lelut semel exsudati laciniam in linguae basi et oesophagi parte media cum membrana mucosa concretam et striis vasorum rubris trajectam repeatit (42). Secundum Heyfelderum exsudatum pelidis instar, viam, modo usque ad partem aoesophagi mediam persequitur, tum vero interstitio relicto paulo ante cardiam denuo inchoans, mox continuum, mox intervallis positus usque ad anum cursum dirigit suum (37 p. 92). Hoc integumentum seu involucrum facilime abstirgetur, aut volsella elevatur. Viscera plerumque etiam aere foetido extensa inveniuntur. (30 p. 517.) Hepar esse solet obscurius, interdum intumescent; vesica fellis et pancreas etiam intumescent et fluido crasso tenacique repletum, quod a ductibus excretoriis per aphthas obstructis (6 p. 189; 19 p. 292) pendeat. His in partibus interdum etiam ulcera profunda, exedentia inveniuntur, quae crustis remotis, a bili acri redundant, quasi corrodente, pendere verisimile est.

Divisio.

Dividuntur aphthae in pustulosas et ulcer-

sas, quo discriminis plures ad discernendas aphthas et morbum, quem Francogalli Mugnet vocant, utebantur. Ambae autem species saepius conjunctae inveniuntur (16 p. 381) porro in bulbos et miliares, hae apud infantes matrum, lue venerea infectarum, ibique nodulos formans duros suntque periculosiores 15 p. 130; deinde in solitarias, congregatas, confluentes, idiopathicas sive paidocomiorum morbum proprie sic dictum; Et febribus, symptomaticas 28 p. 540; hac in febribus et aliis morbis, omnino si aegroti maxime debiles sunt (ubi cinerea et mox nigrae fieri solent et in proclivitate humorum ad dissolutionem, igitur in scorbuto, ubi rubidae sive violaceae apparent 30 p. 517); in cachexia syphilitica, ubi fundus, et loca aphthas cingentia coeruleo-rubra, obscuraque conspicuntur 15 p. 130; porro in morbis viscerum pectoris et abdominis (21 p. 110) febribus gastricis, diarrhoeis perseverantibus etc.; saepissime in exanthematibus acutis (21 p. 110) etc. in universum paene in omnibus infantum morbis gradum majorum assequentibus (22 p. 540). Hae aphthae, solitariae quoque animadvertisuntur, et iniegumentum illud quasi spongiosum non formant, sed tum periculosissimae sunt, et in ulcuscula exedentia cito abeunt 28 p. 540; in criticas (23 p. 143, 22 p. 85; 29 p. 230; 3 p. 10 et 17) porro, quae pluribus in morbis erumpentes non ante diem morbi septimum existunt et has praebent proprietates: Sunt albae, solitariae, facile decidunt, quo facto humorum mitem exsudant, neque renascuntur: His exceptis commune habent cum evacuationibus eriticis proprietates cognitas; porro in simplices et complicatas. Cum ophthalm-

mia purulenta, (42 Tab. II.) ictero, ubi flavum (30 p. 517) ostendunt colorem, cum telae celluloseae induratione (56 p. 91) crusta lactea (8 p. 256) catarrho aut vitio aliquo membranarum mucosarum cuiuscunque loci (16 p. 378) etc.; in veras et spuriulas: Illae tales significant, quibuscum aegritudo universalis conjuncta est; hae autem vesiculosus, quae nimia infantis intentione in sugendo localiter erumpunt (26 p. 445); in benignas et malignas, inter quas gravitas tantum discrimen constituit (56 p. 52, 16 p. 385) definitionesque earum valde variant. Nonnulli iis significant morbum paidocomiorum, qui proprie sic dicitur: Geoffroy e contrario solum gangraenosas (29 p. 231) Billard confluentes etc.; in endemicas, quae in Batavia et ad marium fluminumque majorum ora occurserunt; epidemicas quae animadversae sunt a Starckio, ubi catarralem ostendebant indolem, porro a Paucillierio anno MDCCCXIII Varsoviae (30 p. 513); — in sporadicis.

Causae

distribuuntur in:

A. praedisponentes: Ad illas pertinet, quidquid laxitatem et teneritudinem fibrarum, incitabilitatemque auctam organismi infantilis augere valet (26 p. 446) ut aer calidus humidusque, igitur in Batavia endemicae inveniuntur, porro immundities, nutrimenta vitiosa quare saepissime in paidocomiis et apud pauperes occurserunt. Maximam autem infantes primo vitae tempore habent ad illas dispositionem, quoniam his in partibus, nutrimenti novis actio major suscitatur, praesertim si loco lactis naturalis mitisque nutrimenta ad-

hibentur artificialia, incitantioraque; porro causae paene omnes occasioales minori solum in gradu agentes (23 p. 139).

a) B. occasioales: Multitudo earum immensa id habet commune, quod omnes, mox primarie, mox secundarie membranas incitant mucosas, et gradu minori modo, muci secrecio augetur, quae postea depravata partes incitat usque ad inflammationem, aut gradu majori, secretionem suppressa, subito inflammationem provocat (30 p. 514). Hae rursus distribui licet in 1) idiopathicas: Immun-dities cavi oris in universum, nisi post partum vel serius, nutrimentis sumtis, purgatur, igitur liquor amnii in putrescentiam abieus; porro con-suetudo mala, infantem ad mammas obdormire si-nendi (14 p. 459) qua lac in ore remanens coit, et topice partes incitat; usus nutrimenti illius infan-tilis concreti, Germanice dicti Zulp, cuius partes citius in fermentationem abeunt, nec non alia nu-trimenta vitiosa, cito fermentantia et localiter incitantia; vices inter nutrimenta calida et frigida celeres, aut solum nimis calidorum usus; porro materiae acres fornito ori admotae v. c. Nicotiana, synapis, cantharides; porro farina pulvere lapideo, aut cerussa mixta, ad cibandum infantem adhibita (2 §. 33, 34) suctus mammarum impuriarum, purulentarumque vel materiis acribus, rancidis illinatarum (33 p. 212) — 2) sympathicas, quae rursus dividuntur in

a) consensuales, alias, quam oris partes membranarum mucosarum incitantes (in tractum autem intestinorum rursus ideopathice ad morbum in his partibus provocandum agentes) partim etiam in membranam oris mucosam, per-

quod multae transeuntes vim exhibent nocentem. Praecipue hae sunt: Meconium retentum, quare morbus saepius enascitur, ubi lactis primi purgantis (colostrum) loco, nutrimenta artificialia usur-pantur; porro lac malum, pingue, acidum aut tantum nimium, vel alia nutrimenta vitiosa, ant nimia in quantitate consumta, quae non bene di-geruntur et putrescent; poma cruda, malaque (16 p. 366) diaeta vitiosa et morbi mammas praebentium, quibus lactis indoles mutatur, vini, vini adusti aut aliorum potulentorum nutrimen-torumque incalescentium conditorumque usus ni-mius, seminarum vetustarum lac ad aciditatem inclinans (14 p. 459) motus corporis omisus (19 p. 301) refrigerinum et animi motus mammas praebentium (23 p. 140) moeror, terror, ira etc. coitus saepius celebratus aut frustra exoptatus, ae-gritudines earum universales v. c. rheumatismus, arthritis, scorbutus, lues venerea etc. loc-chiorum fluxus irregularis (23 p. 140).

b) antagonisticas. Huc omnes transpiratio-nem cutis tenerae infantis supprimentes pertinent, ut refrigerium universale praecipue pedum (26 p. 447) immun-dities, lavationes neglectae prae-setim post partum ad vernicem caseosam remo-vendam, aut serius lintea rarius justo mutata etc. aer impurus, vaporibus animalibus nimis impletus (57 p. 193) qui rursus in respirationis organa ideopathice agit, hac ex causa saepissime in pa-docomiis majoribus; aer humidus, quare in Batavia etc. endemicae sunt, et epidemicae temperie coeli pluviali continentis (23 p. 140); porro urinæ excretionis suppressio.

3) Contagium a plurimis auctoribus accipi-

tur v. c. a Slevöglio (2 §. 10) Levretio (8 p. 93) Doublie (16 p. 376) Fleischio (26 p. 445) Geofroio (29 p. 231) Colombiero (12 p. 456) Heyseladero (57 p. 95) et multis aliis; a Henkio (33 p. 213) Veronio (36 p. 25) aliquis negatur, di-
centibus, plures saepe infantes uno cubiculo dor-
mire et eodem ex disco sine infectione edere:
sed experientia docet saepissime aphthas ab in-
fanti aegroto ad ipsas mamas et ab illis ad in-
fantes sanos, quibus mammas nutrix praebuit,
migrasse, — quae experientiae nifallor, optime con-
sentiant si statim loco contagii volatilis secun-
dum Lentinum (14 p. 442) Doublium (16 p. 376)
Schaefferum (35 p. 22, 23) ab aëre accepti, fixum,
tantum tactu dinturniore inficiens, simulque in-
praedispensionem majorem vel minorem spectans.

Causa proxima sententiae de hoc morbo
diversae saepius iam operibus therapeutis dis-
sertationibus commensationibusque repetitae et re-
futatae sunt, ut praetermittenda mihi videantur,
ne lector temporis moram nimie sentiat, e contra-
rio sententiam illam a me acceptam latius expli-
cabo. Evidem opinioni P. Frankii (18 p. 274) Len-
tini (14 p. 445) Devilléri (30 p. 512) Raimanni (40 p.
168) Richteri (34 p. 590) aliorumque assentior, aph-
thas exanthema internum esse judicans omninoque
etiam reproductionis localis turbatio ibi adest, ut
Huseland (25 p. 222) Henke (33 p. 211) aliqui
accepterunt, quam tamen solum exitum esse inflam-
mationis exsudativaem puto. Inflammatio igitur
aut gradua minori, vasorum inciatio, proxima
mihi esse videtur causa aphtharum idque his ex-
rationibus.

1) Inter prodromos et saepissime etiam in de-

uersu posteriori omnia symptomata inflammatio-
nem indicantia inveniuntur: Rubor, calor, dolor,
tumor, functionumque partium affectarum turbatio.
Haec symptomata, etsi diversae gravitatis,
tamen semper apud aphthas veras animadvertisuntur.

2) Prodromorum exitus in exsudationem lym-
phaticam, suppurationem gangraenamque, pari-
ratione se habet, quam in inflammationibus
aliis. Ut vero exsudatio lymphatica praeval-
eat, aequa structura harum partium ac plastici-
tate praevalente, atque irritabilitate hujus aetatis
et harum partium imminentia, effici arbitror.

3. Saepius febris adest, praecipue si aphthae
ampullum occupaverunt locum, quam acuali mo-
do apud omnes inflammations majores inveni-
mus, sin vero deest, inflammatio aut minima
(vasorum incitatio) aut aphthae spatio parvo inclu-
sae sunt, ut apud inflammations alias etiam ani-
madvertisimus.

4. Saepe aphthae modo crisis aut metastasis
morbi alias habendae sunt, tum vero metastasibus
aliis inflammatoriis similes sunt, ut abscessibus lo-
calibus.

5. Utilitas methodi antiphlogisticae, hirudi-
num, potissimum morbi initio, calomelanos saepe
observata est.

6. In cadaverum sectionibus membrana mu-
cosa sub exsudato valde inflammata invenitur (42
Tab. II).

Sed cur inflammatio exit in aphthas? Ut ad
illam respondeamus questionem, respiciendum
mihi videtur ad harum partium structuram, aetatis
dispositionem, plasticitatem praevalentem et pro-

clivitatem ad exsudationes. Cum vero exsudationes plasticae, inflammationem membranarum sequentes mucosarum, plures variaeque hujus animadvertantur aetatis, sed neque dispositio, quatenus organismi statum perspicere possimus, neque causae occasionales essentialiter different, coacti sumus, ut mihi quidem videtur, acrimoniam specificam, causam remotam, excitantem, accipere, quam adesse infectione jam satis demonstratur. Num vero haec acrimonia ut Stark (3 p. 182) vult, effervescentiam provocet localem, in medio relinquo, atamen acidæ indolis esse videtur, quod odore acido, toto in morbi decursu ex ore, et post mortem ex exsudato, exhalato affirmatur, et magnam ostendere similitudinem cum miliariorum acrimonia, fortasse exanthema totum nil aliud esse, nisi miliaria quoad formam loco mutatum. Contra hanc tamen sententiam Lissmann (25 p. 140) has attulit rationes:

1. Miliaria infantibus non tam frequentia, quam aphthas — sed mihi videntur, miliaria hac praecipue de causa tam rara esse, quia aphthaæ saepissime enascantur; vel aliis verbis: Quoniam illæ membranae mucosae, primo temporis spatio potentissimis nocentibus magis expositae sunt, ibique omnino activitas praevalet, acrimonia illa alio tempore ad cutin versus ducta, et per eam excreta, nunc ad illas allicitur, ibique excernitur.

2. Miliaria in morbis ejusmodi exsistere acutis, ubi humorum impetus cutin versus tendat, corpuse ad sudores inclinatum sit, hos vero nullo modo aphtharum eruptionem fovere: — sed aphthatum sedes non in cuti, sed in membranis mucosis est, humorum impetus animadveritur ad

illas, hae sudant, diarrhoeaque exoritur, et saepe tantummodo cutis, sudore suppresso, activitate vicaria. Atque ut hic interdum alvis inveniatur adstricta, ita etiam miliaria interdum sine excretione cutis aucta animadvertebantur (19 p. 551).

3. Symptomata miliariorum eruptionem praecedentia multo graviora esse quam, quae aphtharum eruptionem antecedant. Sed hoc nou prorsus verum, nam interdum et aphtharum prodromi sunt gravissimi: Praeterea etiam structura membranarum mucosarum laxa, eruptioni non ita resistere valens, quam cutis externa firmior, causa esse videtur, quoniam vires organismi omnes ad propositum exsequendum non ita intenduntur.

4. Miliaria, partes oris internas occupantia, non aphthas formare veras, sed exanthema miliaria semper simile. — Equidem nescio quid Lissmann miliaria oris appetet, si fortasse ad magnitudinem exanthematicis respiciat (verisimiliter nisi aphtharum speciei) haec divisionis ratio esse non poterit, cum etiam in cuti externa, praecipue in morbi decursu seniori, miliaria, fabae (34 p. 553) magnitudinis inveniamus, aphthaeque etiam initio minores sint; quod vero serius eo maiores sunt, saepque unam quasi in pellem confluent, probabiliter a structura laxiori et præclivitate harum partium ad exsudationem majori pendet.

Praeterea ad probandam hanc de natura morbi sententiam, supra propositam, haec affiri possunt:

1. Miliaria quoad formam externam aequem variant, atque aphthae a magnitudine minima usque ad eam fabae. — 2. Vesiculae aequali modo, mox lymphaticum (miliaria crystallina) mox hu-

morem purulentum (mil. purulenta) continent, et ut aphthae interdum in ulcuscula abeunt. (19 p. 347) — 3. In utroque morbo inflammatio valde variat (mil. rubra — m. alba) — 4. Eruptionis tempus ac morbi mora, in utroque inaequalis. — 5. Febris in utroque interdum adest, interdum deest. (34 p. 539) 6. Uterque morbus interdum criticus. — 7. Uterque morbus epidemicus, endemicus (34 p. 546) et sporadicus invenitur. — 8. Uterque morbus ad omnes febrium species accedit, tamen haec in utroque ad nervosam cum complicationibus gastricis, aut putridam vergit (34 p. 545) 9. Uterque ad plures adgreditur morbos, etiamque ad exanthemata acuta (34 p. 548, 21 p. 110) quod inter haec rarissime tantum animadveratur. — 10. Ut aphthae, etiam miliaria plasticitate praevalente adjuvantur, igiturque saepius apud pueras, praecipue cum secretione lactis suppressa, plasticitas non imminuat et omnino apud sexum sequiorem, inveniuntur. — 11. Utrique odor ille vapidio acidus animalis communis est. — 12. Observatum est miliaris criticis suppressis, aphthas esse exortas, his vero suppressis, denuo miliaria erupisse et vice versa (34 p. 600).

Prognosis.

Valde diversa est, mox enim morbus benignus paucis diebus aut hecdomadibus decursum facit, mox et praecipue in paidocomiis majoribus tam letifer est, ut (Parisiis) secundum Heyfeldeum (37 p. 85) e sexcentis infectis, quingenti mor-

tui sint, secundum Geofriolum (29 p. 232) tertia pars. — In specie vero haec respiciendi sunt.

1. Natura, forma, color, sedes ac multitudine aphtharum: a) ubi inflamatio minor est, prognosis bona, quo gravior autem haec, eo deterior, quoniam tam saepe supuratio sequitur et gangrena; — b) quo minores sunt, eo meliores, quo maiores durioresque eo pejores; — c) albae, margaritaceae, flavescentes, transparentes humidaeque, optimae, quo obscuriores (nigrantes) fiunt, eo pejores. — d) quo pauciores sunt, eo benignior morbus, si vero tam copiosae sunt, ut partes commemoratas quasi pelle obducant, prognosis dubia est, secundum Veronium (36 p. 32) plerumque mors sequitur, e) si ad aphthas oris paucas, accesserunt symptomata gravia, eo plures esse in canali intestinali est credendum (29 p. 230) ac proguosis mala fit, cum vero inde in cavum oris, in forma pellis albae, tenacis, obesae ascendunt, exitus plerumque letalis (7 p. 752).

2. Causae: Quo brevius temporis spatium egerunt, quo faciliter removeri possunt, eo melior prognosis et contra. In aphthis epidemicis ad epidemiae indolem respiciendum, quo calidior humidiorque aëris constitutio, eo periculosior morbus.

3. Die decimo quarto, aut hecdomade tertia elapsa, morbus facilis perseiri dicitur (20 p. 93); sin vero crustarum desquamationem eruptiones novae sequuntur, mala fit prognosis. Quando vero eruptiones novae timendae sint, stadio tertio jam adnotavi.

4. Corporis constitutio et infantis aetas: Quo senior infans ante aphtharum eruptionem fuit, eo

melius est, sin vero jam antea debilis et cachecticus erat, neque aphthae criticae sunt, ut Struve (22 p. 86) saepius in casibus ejusmodi animadvertebat, aut infantes prius justo nati, corripuntur, (in quibus aphthae omnino saepissime existunt), prognosis mala, secundum Struvium et ante mensem sextum periculosissima est (22 p. 86).

5) Phoenomena localia, universalia et complicationes: Quo magis cavi oris functiones, deglutitio, respiratio et digestio turbatae sunt, eo pejus est, saepeque in casu priori, mors ex nutritionis inopia gignitur (34 p. 593) dysphagia igitur, singultus, vomitus continuus, dolores abdominis graves, diarrhoea colliquativa, sanguinea, odor acidus ex ore, gravis, rancido magna, dyspnoea, syncope, spasmi, sudores tenaces et periculosisssima sunt symptomata. — Quod attinet ad febrem committantem, prognosis non hic pertinet, in universum tamen eo melius se habet, quo minus ad nervosam vel putridam vergit et contra. Quo frequentiores et graviores complicationes ante commemoratae adsunt, eo periculosior est morbus. Memoratu digna est experientia Girtanneri: cruentam lacteam cum hoc morbo complicatam, paene semper exitum indicare bonum (20 p. 98). Praesentia autem macularum cutis violacearum, discolorarum signum est mortis adpropinquantis (12 p. 98).

C u r a

In prophylacticam ac therapeutica dividenda est:

A. Cura prophylactica in evitandis causis

nocentibus, priusquam mnrbus formari incipit, versatur. Mundities maxima omni ratione servetur; 1) Providenda est cutis externae mundities, lotionibus saepius adhibitis, omnino post partum cum sapone Veneta, vitello ovorum et frictionibus panni lanei tenuioris, donec cutis aequaliter humescat et aqua jam non a locis singulis quasi a pinguedine defluat (14 p. 445) porro linteal saepius mutanda. — 2) Oris mundities et meconii aliarumque primarum viarum cruditatum remotio. Illa efficitur ore eluendo spongia tenera quolibet tempore post lactis, pultis aliorumque nutrimentorum usum, optime aqua frigida pura (33 p. 213) aqua pluviali, vel si vestigia affectionis inflammatoriae prima adsint, decocto ex cerevisia et saccharo parato (3 p. 77) vel salviae cum vini Rhenani, aut aceti vini et mellis additamento (14 p. 445) Porro mundities mammarum providenda est maxima et earum morbi curandi, interea vero ante infantis ad mammas approximationem illinendae oleo amygdalarum, ovorum (52 p. 155, 19 p. 299) Nutrimentum illud Germanice dictum Zulp, omnino removendum. Meconii vero remotio praecipue ibi providenda, ubi matris lac initio quasi purgans (colostrum) infantis deest: Optime syrupo aut tinctura rhei, secundum Geoffroium lacte cum melle aut syrupo violarum (29 p. 252) et si acidum viarum primarum jam formatum sit cum magnesiae carbonicæ additamento (26 p. 452) Si vero remaneat rheo adhibito alvus adstricta, clysmatisibus est removenda; sin vero nimis impletus sit venter, et medicus justo tempore adveniat, emeticum adhibendum: Syrup. viol. tricol (14 p. 446) syr ipecac. (21 p. 87) vinum autem,

Huxli (10 p. 19) Kermes mineral. (55 p. 25) Tart. Emetic. (20 p. 19); serius vero rursus purgantia.

3) Omnibus viribus est nitendum ut aër sicēns ac purus sit, aperiendis fenestrīs et jannīs, remotione surditatum e. g. linterum usitatarum humidarum, aliorūnque humorum, ac fluidorum odores foetidos exhalantium, fluxus lochiorum tempore infanteum ne diu in lecto retineat mater (14 p. 445). Diebus serenīs calidisque infantes foras portandi (30 p. 518) refrigerationes tamen praecayendae, et ortae rationibus notis curandae sunt. Perutile porro est, primis morbi vestigiis conspectis, domicilium matare (30 p. 518) et praecipue ex paidocomiis in domos priyatās infantes portare.

4) Nutrimenta nōcentia removenda, bona quæ adhibenda. Saluberrimum quidem, ut constat, lac matris est aut nutricis, quae eodem fere tempore, quo mater, partum edidit. Virtutes lactis solummodo praecipiæ et remedia ad illas assequendas hūc pertinere videntur: Si pinguius justo est, diaeta sit parca, motus corporis frequens, potionē aquosae et sanguinem purgantes, si vero tenuius aquosiusque, ut praecipue in paidocomiis nonnullis, ubi una nurix duo vel tres infantes nutritre debet (26 p. 453) remotis causis nōcentibus, alimenta corpori recreando apta, sumenda, porro pulvis galaci. Rosensteinii ac similia: Sin vero lac facile acescit, ut praecipue apud nutrices veteritas (14 p. 439) aqua calcis cum lacte Vaccae (aa partes aequales) adhibenda. Quod nutritionem per cibos attinet, etiam ibi mundities maxima utenda, pūls semper recenter facienda neque nimia in copia, nec vario tempore, sed

optime ter quotidie præbenda. Loco usitatissimæ, ex panibus bis coctis, cum lacte et aqua paratae, Heyfelder farinam ex Arrow-Root, aequali modo in formam gelati redactam, adhiberi jubet (37 p. 6) cui etiam jus carnis elixæ, aut vitellum ovi, pro rebus addere licet. Secundum Struvium cochlear parvum aquae frigidae, primis vitæ hebdomadibus quotidie sumtum aphthas præcavet (22 p. 87).

B. Cura therapeutica optime in has quinque indicationes mihi dividi videtur:

1) Indicationem primam, causarum remotionem, sub prophylaxi jam copiosus descriptam, hic in universum paene omitti posse puto: Optimis vero scriptoribus in humorum mixtionem illam vitiosam nimis acidam plasticamque (a Girtannerio, Fleischio, Vogelio, Lentino, Thilenio, Richtero, P. Frankio aliisque) emetica et purgantia, porro absorbentia commendantur (17 p. 56) praecipue odore acido ex ore et excrementis viridibus, quasi concisis, animadversis (34 p. 596), porro potionē diluentes ac sanguini purgando servientes, matri seu nutrii atque infantii dandae v. c. ex radice liquiritiae, aut species ex foliis et floribus violae tricoloris, ex sero lactis cum fumaria (5 p. 117) paratae adhibendae. Refrigeratione autem exoria diaphoretica leniora (29 p. 234) balnea ex herbis aromaticis parata, linteal fumo aromaticorum impleta adhibeantur (30 p. 519).

2. Indicationem secundam; agendum est in causam proximan aut morbi essentiam; cum haec statu inflammatorio nisi videatur, apparatus mendendi antiphlogisticus, sanguinis evacuationes per hirudines (30 p. 519, 44 p. 240) secundum aetatem,

constitutionem et affectionis localis gradum adhibendae, praecipue intumescens gravi exorta sic ut suffocationis periculum intret, aut si neque nutrimenta, nec medicamenta per os applicare valleamus. Porro methodus evacuationibus debilitatis purgantia in universum, praecipue vero calomel (28 p. 546) fibrae sanguinis dissolutione placentem immiuens; porro balnea, cutis frictiones, vesicantia (8 p. 256) quae non solum derivant, sed etiam inclinationem ad exanthemata critica magnopere (16 p. 295) juvant, praecipue in cervice aut dorso ponenda.

Bretanneau, sicuti in angia membranacea: cum calomelanos dosibus magnis etiam acidum oxy-muriaticum, quarta aut quinta sitripi parte addita, multitudine cochlearis parvi adhibet (39 p. 150).

3. Indicationem tertiam: Curatio topica. Ibi me hercule innumerabilem medicaminum saepe mirandorum numerum commendaverunt scriptores v. c. stercus caninum (24 p. 86) ranam vivam ori atmotam (24 p. 86) fimum gallinaceum, in vi no Franco-gallico albo solutum (4 p. 63) Medicamina autem usitatissima maxima ex parte sunt adstringentia, antiseptica, partim involventia ac mitigantia. — Actio illorum triplices esse videtur: 1, Laxitatem ramorum vasorum ultimorum immixtum, aptiores illos ad resistendum humorum impetu atque exitum faciunt; 2, cohaerentiam epideridis tenerae augent, qua humorum exitui magis potest resistere; 3, inclinationem ad putrescentiam et gangraenam minorem reddunt.

Famam maximam, quasi specifici, borax sibi conciliavit et probabiliter tam praecclare agit, quia alcali in copia praevalente (25 p. 140) conti-

net, eoque reprimit humorum cruditatem. Plenumque ʒj cum aliquo syrupo ʒj v. c. mel. rosa rum, syrupo mororum, ribesiorum e. c. in linctus forma adhibetur et ut hujus mixtionis si aphthae in oesophago et ventriculo adsint, cochlear parvum, lente deglutiatur, praescribitur. Porro semperivium tectorum majus, quo jam Boyle (4 p. 63) magno effectu utebatur serius a Lentino hac in forma magna laude commendatum est, atque potissimum si magna sensibilitas, gravesque dolores percipientur, ob partes mucilaginosas quas continet, indicatum esse videtur:

- R. Succi semperivi tectorum maj. 5jj.
- Aqua plantagin. ʒjj.
- Borac: Venet ʒj.
- M. S. ad illiniendum.

Porro secundum Wendtium (41 p. 98) aqua calcis cum syrupo simple. (aa. pari: aequal.) ad illiniendum, porro sal. ammoniac, vitriolum album, magnam sibi comparavit laudem. Hoc ab Armstrongio praecipue in aqua solutum (3β. vetr. alb. ʒvij. aq. dest.) (10 p. 25) ad oris cavum eluentum, vel ad injectiones, partibus nimis intumescientibus, ubi omnino injectiones adhibendae sunt, commendatur; porro etiam cum melle (mel. rosar ʒj. Vitriol alb. grvj.) (27 p. 75) aut syrapo in linctus forma. Secundum Guersentium magna efficacia gaudet calcaria muriatica et kali sulphuricum cum syrupo ad illiniendum (42 Tab. II.) Ex medicamentis domesticis succi recenter expressi, ex betis rubris, daucis sativis et raphanis cum saccharo (34 p. 596) magnam in gradu morbi minori adepti sunt laudem. Leniter enim adstringunt at-

que involvunt et secundum Bückingium (6 p. 201) crustarum desquamationem adjuvant.

Etiam adstringentia fortissima ut alumen, succus catechu, gallae Turcicae, cortex quercus, folicis, ulmi (11 p. 559) commendata sunt, et partim in decoctorum forma cum mucilaginosis, partim pulveris cum sirupis adhibentur. Maxima autem opus est providentia, quia aphthae interdum cito iis supprimuntur, et viscerum inflammatio, aliaque symptomata gravia v. c. convulsiones, tetanus etc. exoriantur. Quare haec medicamina atque acida, mineralia, quae idem interdum efficiunt, in casibus vulgaribus evitanda mihi videntur. Contra aphthas viarum respirationis vapores emollientes ad inhalationem (29 p. 23) externe autem cataplasma emollientia et in casibus gravioribus etiam synapsimi et vesicantia ad derivationem adhibemus. Cum vero ad laxitatem et stoniam inclinatio ad dissolutionem cum odore vaporido-putrido ex ore, vel gangraena adveniat, adstringentia fortissima, supra commemorata, praesertim acida tum vegetabilia tum mineralia indicata sunt. v. c. acetum, acidum cirri, secundum Beaupreum (32 p. 154) cum spiritu cochleariae et mucilaginoso-involventibus, magis vero acida mineralia laudanda sunt, et ex iis maxime acidi sulphuricum in forma diluta cum mucilaginosis syrupsisque adhibetur, ne partes sanae corrugantur, aut secundum Billardum in forma concentrata, guttulatim per canaliculum vitreum instillatur, lapide quoque infernali partes gangraenosae caute tanguntur (44 p. 260) porro ex aliis acidis commendatis mineralibus praecipue acidum oxyuriatricum laudatur (30 p. 150) et in casibus

gravissimis conjunctum cum adstringentibus fortissimis supra dictis, excitantibusque cum croco, myrrha (1. Lib. VI. Cap. XI.) etc. adhibetur. Maxime etiam efficax est infusum chiae cum vino rubro et secundum Arnemannum spiritus camphoratus (19 p. 502). Si abdominis organorum aphthae par modo se habent si partes odorem putridum exhalantes, obscurae, gangraenosae ex tractu intestinorum ejiciuntur praeter medicamina jam enumerata clysmata ex aere fixo (9 p. 72 et 675) parata, commendantur. Praeterea multitudo medicaminum magna ad usum localem commendata est v. c. portulaca decandra pentaphylon decand. rhus coraria etc. quae tamen temporibus nuperim rarissime adhibita et sortasse plane supervacanea sunt. Porro plura venena, eorumque nonnulla jam aetate antiquissima laudata sunt v. c. plumbi praeparata, aerugo, arsenicum (24 p. 86) etc. Haec medicamina heroica plane mihi evitanda videntur, quia hac vitae aetate beneficia facillime gignuntur et alia bona, ac minus periculosa nobis adsunt. Aphthas etiam linteo tenui, praecipue initio morbi si parvae sint, detergeri Struve (22 p. 88) Bücking (6 p. 199) et alii jubent; Girtanner (20 p. 99) tamen jure, ut mihi videtur hoc vituperat nam inflammationis necessario angetur, eamque commendationem solummodo in vesiculas, suctu forti procreat, simplices, referre poterimus.

Cum crustae desquamantur, medicamina oleosa, mucilaginosaque ad superindumentum carens, reparandum v. c. raparum, amygdalarum, ovoidrum etc. vitolla ovorum cum cremore lactis (6 p. 203), emulsiones variae magna utilitate adhibentur et paulatim ad partes roborandas adstringentia

Ex amara v. c. decoctum salviae, simarubae, chilænae, lichenis Islandici (32 p. 150) adduntur, sed ad hoc consilium impetrandum v. Swieten decoctum foliorum agrimoniae cum melle (19 p. 293) præcipue commendat.

4.) Indicationem quartam: Febris aliorumque morborum supra dictorum complicationum curatio. Ad hanc indicationem explendam et diaeta et medicamina statui cuique ex rationibus notis aptanda sunt, quarum execusio huc non pertinet. Cum vero febris plerumque ad nervosam aut putridam inclinet, medicamina ex excitantibus et antisепtīcis eligenda sunt.

5.) Indicationem quintam: Symptomatum gravitorum ac periculosiorum cura: dolores oris et pharyngis oleosis mucilaginosisque cum narcoticorum parva in dosi additamento sunt mitigandi v. g. mucilagine gurimi Arabici, semin. cydonior. decocto avenae, hordei, rad. alth. verbasc. etc. emulsionibus ex seminibus papaveris amygdalatum, canab. etc. cum hyosciami additamento. quas aequa ad injectiones ac cum melle, syrup. diacod., moror., etc. et si affectio inflammatoria minor est, cum borace parva in dosi ad potionem usurpamus simul cataplasmata emollientia ad collum applicanda (6 p. 204) Quodsi dolorum sedes profundius in canali intestinali est, clysmata mucilaginosa ex lacte, semin. lini etc. cum vitello ovi adhibemus, seriusque adstringentia leniora paulatim adjungimus. Morbo decrescente saepe spasmi oriuntur, plerumque a sensibilitate aucta. canalis intestinalis nudatae, pendentes (14 p. 462) Hi optimè mucilaginosis commemoratis cum hyoscymo removentur. Ad vomitum gravem in-

stadio desquamationis mitigandum, medicamina modo dicta etiam valent (33 p. 214). Interdum diarrhoeae quoque graviores accidunt, quae, aut sanguine mixtae sunt, et a medicaminum graviorum deglutiitione plerumque pendent, aut copiosae, aquosac seu mucilaginosac et a vasorum exhalantium relaxatione pendent: Illic mucilaginosa, copiose adhibita cum narcoticis, hic adstringentia præcipue cascarilla, secundum Henke clysmata mucilaginosa cum aqua calcis seu vegeto minerali Goul. magnopere sunt laudanda (33 p. 214). Phenomenon hujus morbi frequens ac inquietans retentio est urinæ continua (26 p. 452) et plerumque aut ab exanthemate aphtis simili in penis glande, aut a renum secretione per incitationem organorum abdominalium, supra nominatorum suppressa, pendet. Casu priori inflammatio hirudinibus, cataplasmatibus emollientibus est mitiganda, aut crustae, mechanice impedientes, cautissime removendae; casu posterior linimentum ex oleo petrae, vitello ovi et aqua (26 p. 456) aut ex terebinthina (5j) viteilo ovi (j) et aq. ment. pip. (3j) paratum (14 p. 454) in renum regione est inficendum. Si excoriations circa anum animadvertisuntur, semin. lycopod, amylo (30 p. 519) conspergenda sunt aut secundum Girtannerum linimento saturnino illinienda (20 p. 99). Alyx adstricta, abdomine manu fricato saepius tollitur (23 p. 144).

Stadii convalescentiae cura. Cautissime causae nocentes evitandæ sunt, quia inclinat morbus ad recidiva maxime, etiamque per aliquod tempus, medicaminibus illis quae morbum removerent, postea utendum, simul sensi-

bilitatis canalis intestinalis auctae causa, mucilaginosa, ex rebus, cum hyoscyamo adhibenda. Mixtionis ad membranas mucosas oris ac viarum primarum roborandas, a v. Swietenio commentatae, in indicatione tertia mentionem feci, Lentini praeterea decoctum chiae cum penicillis in abdome adhiberi aut interne cum syrupo mannae dari jubet (14 p. 454).

Diaeta pro virium statu, febre commitante varia etc. instituenda est, in universum tamen praeter lac, potionem mucosae egelidae (22 p. 28) ex oryza, avena etc. paratae, aqua mulsa, aut cum saccharo, et nutrimenta involventia in decursu seniori fortius nutrientia sunt eligenda (45) v. c. jura ex medulla cyzae, salep etc. vino dulci addito (45, 52 p. 154) jura gallinacea cum iisdem additamentis et vitellis ovorum linctus ex albumine saccharo trito (21 p. 117) aut vitellis ovorum. Si vero intumescientia organorum deglutitionis maxima est, ita ut nil per os inferri possit, clysmata fortius nutrientia, balnea nutritia ex partibus quibus lactis, unaque parte aquae etc. parata, adhibemus.

- 1) A. Corn Celsi de medic. libr. oct. Lips. 1776.
- 2) Dissert. inaug de aplthis auct. Zeitheim, prae, Slevogt Jen. 1706.
- 3) Stark Abh. v. d. Aphthen, nebst einer Uebers. d. Ketelaer etc. Jen. 1784.
- 4) Rosenstein Abh. v. d. Kent. und Kur der Kinderkht. a. d. Schwed v. Murray, Gött. 1784.
- 5) Balexserd üb. d. wicht. Frage: Welches sind die Hauptursachen, daß so viele Kinder sterben? a. d. Franzos, Straßb. 1776.
- 6) Bücking: die Schwämminchen in Baldingers neuem Magazin etc. 6ter Band 3tes Stück.
- 7) Platners Einleitung in d. Wundarz. a. d. Lat. II. Thl. Leipzig 1786.
- 8) Levret von der Behandlung neugeb. Kinder: Samml. auserlesener Abh. z. Gebr. f. pr. A. 1 Bd.
- 9) Dobson: Vom Nutzen der fix. Luft etc. ibid.
- 10) Armstrong. Von den Schwämminchen ibd. II. Thl.
- 11) Banau: Von dem Gebrauche der Ulmenrinde ibd. III. Thl.
- 12) Colombier: Beob. über d. ven. Kht. und d. bösart. Schwämminchen der Neugab. ibid. IV. Thl.
- 13) Th. Denman v. e. vor kurzem z. London beobacht. Kht. kleiner Kinder. Samml. auserles. Abh. etc. XIV. Bd. Leipzig 1791.
- 14) Lentini: Abh. über d. Schwämminchenkrankht. der Kinder ibid. XV Bd. Leipzig 1792.
- 15) Mahons Gemälde der Zufälle der vener. Krh. b. neugeb. Kindern ibid. XX. Bd. I St. L. 1801.
- 16) Doubte, die Schwämminchen ibid. XXI. Bd. VI. St.
- 17) J. P. Frank: delectus opusc: medic: Vol. IV. Lips. 1791.
- 18) L. P. Frank: de curand. homin. morb. Lib. III. Mannh. 1792.
- 19) S. G. Vogel Handb. d. pr. Arzneiv. III. Thl. Stendal 1794.
- 20) Giranner: Abh. üb. d. Kht. d. Kind. Berl. 1794.
- 21) Wedekind — v. d. wahr. Kenntn. und Kur der Kht. d. ersten Wege, a. d. Lat., Nürnb. 1795.
- 22) Struve: Handb. d. Kindkht., Bresl. 1797.

- 23) Lissmann: Abh. der Schwämminnen in Baldingers neu. Magaz. etc. 20. Bd. Leipzig. 1798.
 24) Plouquet: Literatura medica digesta siv. Repertori-um etc. Tom. I.
 25) Hufelands System der prakt. Heilk. 2ter Bd. zte Abth.
 26) Fleisch: Handb. d. Kinderkht. II. Bd. Leipzig. 1803.
 27) Thilenius med. und chir. Bemerk. Frankfur a. M. 1809.
 28) Hecker die Kunst, uns're Kinder zu gesunden Staatsbürgern zu erziehen etc: Erf. 1805.
 29) Dictione de scienc. med. Tom. II.
 30) — — — — — XXXIV.
 31) Schmalz Vers. e. med.-chir. Diagnost. Dresden. 1816.
 32) Fr. Jahn, neu. System der Kindkht. Rudolst. 1817.
 33) Henke Handb. z. Erk. und Kur der Kindkht. I. Thl. —Frankf. a. M. 1821.
 34) Richters Spec. Therap. II. Th. Berl. 1821.
 35) Schäffer die Zeit- und Volkskhtn. des Jahres 1815: Hufelands Journaal d. pr. Heilk. XLII Bd. (42 Bd.) IV. Stück Berl. 1816.
 36) Veron Observat. sur l. malad. d. enfans. 1 Cah. Paris 1825.
 37) Heyfelder Beob. üb. d. Krankht. der Neugeb. Leipzig. 1825.
 38) G. A. Jahn die Wirk. e. Luftvergissig. etc: Hufelands Journ. d. pr. Heilk. 62. Bd. VI. St. und 63. Bd. 1 St. Berl. 1826.
 39) Meissners Forschung. d. 19. Jahrh: 3. Thl. Leipzig. 1826.
 40) Raimann. Handb. d. spec. med. Path. und Therap. II. Bd. Wien 1826.
 41) Wendt Kinderkhtn. Bresl. und Leipzig 1826.
 42) Klinisch. Kupferstafeln 1. Lief. Weim. 1825.
 43) Billard die Khtn. d. Neugeb. und Säugl. a. d. Franzos. 1. Lief. Weim. 1828.
 44) — — — — — " — — — — —
 até Lief. — 1829.
 45) Sundelin Handb. d. allg. und spec. Khtsddät. Berl. 1826.